

Morning Dogri (NSD) National News Bulletin 14-07-2025

आकाशवाणी

- भारतीय अंतरिक्ष यात्री शुभांशु शुक्ला अज्ज आईएसएस थमां वापसी दी यात्रा शुरू करगंन ते धरती पर कल पुज्जगंन।
- राष्ट्रपति द्रौपदी मुर्मू होर अज्जे थमां ओडिशा दे दो दिन दे दौरे पर जा'रदे न।
- अमरनाथ यात्रा करने आहले श्रद्धालुएं दी गिनतरी कल दो लक्ख थवा मती होई गई ऐ।
- टेनिस च विश्व दे नंबर 1 खडारी जैनिक सिनर नै कोर्लोस एलकराज गी हराइयै अपना पैहला विम्बल्डन खिताब जित्तेआ ऐ।
- क्रिकेट च भारत नै इंग्लैंड खलाफ जार्डस च खेड्डे जा'रदे टेस्ट मैच चौथे दिन दा खेड्ड मुक्कने तोड़ी 4 खडारिएं दे नुकसान पर 58 रंल बनाई लैते दे न ते खीरी दिन भारत गी जित्तने लेई 135 रंज दी लोड़ ऐ।

<><><><><><>

Axiom-4

एक्सियोम-4 मिशन पर गेदे भारतीय अंतरिक्ष यात्री ग्रुप कैप्टन शुभांशु शुक्ला ते 3 होर सदस्ये दी वापसी अज्ज शुरू होग। विज्ञान ते प्रौद्योगिकी मंत्री डॉक्टर जितेन्द्र सिंह होरें इक सोशल मीडिया पोस्ट च दस्सेआ जे वापसी यात्रा भारतीय समें मूजब संजा साढ़े चार बजे शुरू होग ते मिशन दे सदस्य कल लगभग 3 बजे धरती पर पुंजडन। पुजने मगरा शुभांशु शुक्ला ते 3 होर सदस्ये गी फ्लाइट सर्जनें दे निरीक्षण च 7 दिन आस्तै रक्खेआ जाग ता जे वापस धरती दे गुरुत्वाकर्षण च समायोजित होई सकन। ग्रुप कैप्टन शुभांशु शुक्ला 14 दिन दे मिशन पर अंतरराष्ट्रीय अंतरिक्ष केन्द्र च न। अंतराष्ट्रीय अंतरिक्ष केन्द्र पुज्जने आहले ओह पैहले भारतीय ते अंतरिक्ष च जाने आहले दूऐ भारतीय न। इसदे थवा पैहले विंग कमांडर राकेश शर्मा 1984 च अंतरिक्ष च गे हे। शुभांशु शुक्ला होरें अंतरिक्ष केन्द्र च भारतीय वैज्ञानिकें आस्सेआ विकसित 7 प्रयोग कीते।

उत्तर प्रदेश दे लखनऊ च मीडिया कन्वै गल्लबात करदे होई शुभांशु शुक्ला हुन्दे पिता शम्भु दयाल शुक्ला होरें आक्खेआ जे सुरक्षित वापसी आस्तै ओह लगातार ईश्वर थमां प्रार्थना करा'रदे न।

<><><><><><><>

President Odisha

राष्ट्रपति द्रौपदी मुर्मु होर अज्जे थमां ओडिशा दे दो दिन दे दौरे पर होंडन। ओह अज्ज दपैहरी मगरा भुवनेश्वर दे बीजू पटनायक अंतर्राष्ट्रीय हवाई अड्डे पुज्जडन। इत्थुआं ओह भुवनेश्वर दे अखिल भारतीय आयुर्विज्ञान संस्थान जाडन ते कल राष्ट्रपति मुर्मु कटक च रेवेनशॉ विश्विद्यालय दे 13में सलाना दीक्षांत समारोह च शामिल होंडन ते रेवेनशॉ बालिका उच्च विद्यालय दि त्रै इमारतें दे पुनर्निर्माण आहले कम्मे दी शुरुआत करडन। ओह कटक च गै आदि कवि सरला दास हुन्दी जयंती समारोह च हिस्सा लैडन ते कर्लिंग रत्न पुरस्कार प्रदान करडन।

<><><><><><><>

EAM-China Visit

विदेश मंत्री डॉ.एस.जयशंकर होर अज्जै थमां चीन दे दो रोजा दौरे पर होंगन। ओह कल तियामिन शैहर च शुघाई 2025 सैह्योग संगठन दे विदेश मंत्रिणं दी बैठक च हिस्सा लैगन। विदेश मंत्री बैठक च एससीओ मुखें बश्कार बक्ख-बक्ख क्षेत्रें च साथ सैह्योग गी होर बधाने ते केई प्रभाव ते अंतर्राष्ट्रीय ते इलाकाई मुद्दें पर चर्चा करगन। एससीओ च 10 मुख्य भारत, चीन, रूस, ईरान, कजाकिस्तान, किर्गीस्तान, पाकिस्तान, उज्जबेकिस्तान ते बेलारूस शामिल न। इस बेल्ले एससीओ दी अध्यक्षता चीन दे कोल ऐ। डॉ. जयशंकर होर एससीओ बैठक दे इलावा शिखर मुखें दे विदेश मंत्रिणं कन्वै दपक्खी बैठक बी करगन। इस दरान डॉ. जयशंकर होरें गी मेद ऐ जे चीन दे दे विदेश मंत्री वांग हुंदे कन्वै बी मलाटी करगन। दौनें लीडरें बश्कार दपक्खी सरबंधें गी सामान्य बनाने पर चर्चा करगन।

<><><><><><><>

Amarnath Yatra

अजें तोड़ी अमरनाथ यात्रा करने आहले श्रद्धालुएं दी गिनतरी कल दो लक्ख था मती होई गई ऐ। अधिकारियें दस्सेआ ऐ जे कल श्रीअमरनाथ गुफा च 17 हजार सोयां मते श्रद्धालुएं पावन हिम शिवलिंग दे दर्शन कीते। हुनै तगर कुल दो लक्ख 63 हजार यात्री अमरनाथ गुफा दे दर्शन करी चुके दे न। तोआई अज्ज जम्मू दे भगवती नगर आहले आधार शिवर था 6 हजार इक सौ 43 श्रद्धालुएं दा इक होर जत्था घाटी लेई रवाना होआ। इन्दे च कुल 4 हजार 691 मर्द इक हजार 248 महिला, 17 बच्चे, 167 साधु, ते 20 साध्वियां शामिल हियां। श्री अमरनाथ यात्रा 3 जुलाई गी शुरु होई ही ते एह रक्खड पुन्नेआ आहले दिन यानि 9 अगस्त गी सम्पन्न होई जाग।

<><><><><><>

J.P.Nadda

केन्द्रीय सेहत ते परोआर कल्याण मंत्री जे.पी. नड्डा हुन्दी त्रै दिन दी सरुदी अरब यात्रा सम्पन्न होई गई ऐ। इस दौरान उर्वरक आपूर्ति ते सेहत ते औषधि क्षेत्र च द्विपक्षी सहयोग बदाने बारे च केई समझौते पर दस्तखत होए। सरुदी अरब दे उद्योग ते खनिज संसाधन मंत्री हुन्दे कन्ने गल्ल बात च दोने देशों दी तेल कम्पनियें बश्कार केई महत्वपूर्ण समझौते होए न। दौने पक्खें दपक्खी सरबंध मजबूत करने दी प्रतिबद्धता जाहिर कीती। भारत दी उर्वरक सुरक्षा यकीनी करने ते उर्वरक क्षेत्र च परस्पर निवेश पर बी गल्लबात होई। श्री जे.पी. नड्डा होरें सरुदी अरब दे युवराज अब्दुल अजीज बिन सलमान अल सरुद हुन्दे कन्ने बी बैठक कीती। युवराज होरें उनदे सम्मान च रुट्टी दा बी आयोजन कीता। श्री नड्डा होरें रियाद च सरुदी अरब दे सेहत उप-मंत्री अब्दुल अजीज अल रुमैया हुन्दे कन्नै चिकित्सा सेवा च सहयोग बदाने पर विचार-विमर्श कीता।

<><><><><><>

IMD

मौसम विभाग नै राजस्थान, गंगा कन्नै लगने आले पच्छिम बंगाल दे इलाके, गुजरात, ओडिशा, पच्छिमी मध्यप्रदेश ते झारखंड च अज्ज भारी थमां मती भारी बरखा दी संभावना जताई ऐ। दिल्ली, वंडीगढ़, हिमाचल प्रदेश, जम्मू कश्मीर, तटीय कर्नाटक, अंडमान निकोबार टापू ते उत्तर-पूर्वी राज्यें च बी अगले 2-3 दिनें तोड़ी भारी बरखा होइ सकदी ऐ।

मैहकमे नै आंध्रप्रदेश, तमिलनाडू, पुदुचेरी, ते कराइकल च गर्मी ते उमस आली स्थिति जारी रौहने दी संभावना जताई ऐ।

<><><><><><>

Chhatisgarh

छत्तीसगढ़ विधानसभा दा मानसून सत्र अज्जै सोयां शुरू होआ र दा ऐ। इस सत्र च 5 बैठकां होइन ते सत्र 18 जुलाई गी सम्पन्न होग। मानसून सत्र च राज्य सरकार किश संशोधन विधेयक पेश करोग।

<><><><><><>

Wimbledon Tennis

टेनिस खिलाडी यानिक सिनर नै कल रात लंदन च अपना पहला विंबलडन ख़िताब जित्तेआ। रोमांचक फ़ाइनल च उने मौजूदा चैंपियन कार्लोस अल्काराज़ गी 4–6, 6–4, 6–4, 6–4 कन्नै हराया। विंबलडन प्रतियोगिता दे 148 साल दे इतिहास च सिनर एह खिताब जीतने आहले इटली दे पैहले खडारी बनी गए न। सिनर नै अपना चौथा ग्रैंड स्लैम खिताब जित्तेआ ऐ ते हुन उने गी छ्डा फ्रेंच ओपन पर कब्जा करना ऐ। इस जीत कननै गै उने पीआईएफ़ एटीपी रैंकिंग च 3 हजार चार सौ 30 अंक दी बढत हासिल करी लैती ऐ।

<><><><><><>

Cricket

भारत गी एंडरसन–तेंदुलकर ट्रॉफी दा त्रिया टेस्ट मैच जीतने आस्तै हुन 135 रन दी जरूरत ऐ। लंदन दे ऐतिहासिक लार्डस मैदान च चौथे दिन भारत नै 4 विकेट पर 58 रन बनाई लैते दे हे। पंजमें दिन दा खेड भारतीय समें मूजब दपैहरी साढे 3 बजे शुरू होग। कल चौथे दिन, आखिरी गेंद पर, इंगलैंड दे कप्तान बेन स्टोक्स नै नाइट–वॉचमैन आकाशदीप गी सिर्फ़ इक रन पर आउट करी दिता। इसदे थ्वा पैहले भारत नै मेज़बान इंग्लैंड गी 192 रन पर ऑलआउट कीता ते भारत गी जीत आस्तै 193 रन दा लक्ष्य थ्होआ ऐ। पैहली पारी च शतक बनाने आहले के.एल. राहुल 33 रन बनाकर नाबाद रेए।

<><><><><><>